


聖宋名賢五百家播芳大全文粹

七



待異人與章一新名實皆正遂申明於四禁俾分領於六曹遠則
追直閣之司近則通檢正之任雖未聞政而聞事蓋須有德而有
言如臣之愚無一而可草創潤色既非鄭國之材除書德音又乏
唐人之譽忽當此選莫測其由此蓋 皇帝陛下將聖與仁能哲
而惠雖在三年不言之際已有十日並照之光而臣日侍邇英親
聞訪道仰天威之甚近知聖鑒之難逃謂臣嘗受先朝之知實無
左右之助弃瑕往昔責效將來臣敢不益勵素心無忘舊學上體
周公煩悉之誥助成漢家深厚之文苟無曠官其敢言報

謝除中書舍人表

鄭僑

載筆螭坳未疇親擢演綸鳳閣遽冒超除內量寒陋之資仰玷邇
嚴之選避辭不獲震惕靡寧臣中謝伏念臣頃由膠庠辱賜科第
佐外藩而入館甫閱四年奉中詔以乘輅殆經一紀曾蔑微勞之
補報但驚末學之荒蕪碩簡在於宸衷復召還於宣室叨塵錦被
敢云掌奏於南宮俯結絲絢更冒記言於右陛兼官瑣闥攝事掖
垣屢獻狂愚悉蒙開納惟見玉花之判與夫三字之除必謂玉高
明乃可救朝廷之闕失非詞章溫厚豈能司號令之發施如臣迂
踈涉道寒淺既匪游夏淵源之學又無御雲翻蔽之文承乏幾何
方切越俎代庖之愧即真太驟愈深汗顏血指之慚蟠木孰爲之
先容秋毫皆出於帝力茲蓋伏遇 皇帝陛下參稽古道不變人
文覽萬化而獨觀其原形四方而不匿厥旨雖亮陰恭默帝自賚
於代言而潤色討論臣何裨於爲命恩歸獨斷望過平生臣敢不
思稱所蒙益堅厥守謀猷可告願資海岳之高深言語雖微或助
風雷之鼓舞

謝除中書舍人表

胡文定

屢貢忱辭謂難就列終頒成命有愧冒恩觀訓誥之所蒙豈頑冥
之能稱中謝竊以身居近侍日奉內朝典掌贊書亦貴語言之妙
與聞政事尤資獻納之忠自非才擅國華識通世務忠信守勿欺
之節端方微患失之心何以備職詞臣參藥法從臣稟資昧陋承

學荒蕪冠歲影纓初動顏於義檄中年投紱審安膝於陶廬靜陪
鷗鷺之羣夢絕鴛鴦之侶值聖德龍飛於寶位而賢才鷄鶩於
煙霄不虞澤國之垂綸偶被天衢之推轂拂塵冠於壁上更欲激
昂視然髮於鑑中已驚衰晚強辭陋巷遠望脩門初獲對駮未輸
丹赤親承寵擢即預論思自憐羈馭之蹤倍費保全之力言雖危
而無罪恩至大而莫酬此蓋伏遇 皇帝陛下量等乾坤明齊日
月惜人才之難得念疎賤之易凌獨賜主張俾圖補報而臣深慙
弱植久負沈疴方邊鄙之繹騷屬文書之填委分曹押事必藉
精強養疾便私豈逃瘴曠幸睿慈之洞照當免後艱冀聖造之曲
成俯從前請憺息陰陽之寇別伸瘞殞之期

謝除中書舍人表

蘇子由

執筆柱下已愧空疎起草禁中尤為清切上慙主眷下愧人言中
謝伏以西臺政教之原紫薇論思之地緝熙庶政事得稽參進退
具察言成訓誥昔趙孟治晉叔向為之謀主則楚無以當國僑為

表

方三

三

鄭子羽掌其詞令則國鮮敗事今臣所領頗近於斯宜得博達詳
練之人踈通敏捷之士考覈邦典潤飾皇猷如臣樸訥少文迂拙
自用仁祖時始以直言見收下第在神考時復以封事獲對清
光不能自結於一時旋復竄投於萬里雖謀身之不暇顧受任以
何堪恭壇之樽何取溝中之斷清廟之瑟誤收竈下之焦此蓋伏
遇 皇帝陛下出震乘龍代天理物默然思道專意於用人穆若
守成選眾而求舊憐臣一介之賤偶為三世之陳遺簪以故而見
收老馬以病而復養不求其用聊廣吾仁臣蹤力不迫人而誠心
未泯學忘其舊而一二猶存敢不靖恭于朝側聽高宗之言政勉
強以俟幾見成王之措刑

謝除知制誥表

王介甫

高華之選欲報嘗艱陋之之身以榮為懼中謝竊以自古招智能
之士因使為侍從之臣豈特賴其虛名謂能華國蓋將收其實用
相與致君矧號令文章之為難而討論潤色之所寄苟失職不稱

則爲時起羞伏惟 皇帝陛下躬上聖之資撫久安之運趨時有
救弊之急守器有持盈之難當得俊良使陪遺忘則典司明命出
入禁門一有壞官尤爲累上臣羈單賤士鄙朴常人仕初有志於
養親學遂不專於爲己比更煩使稍竊謬恩內懷尸祿之慙仰負
食功之意又蒙採擢以至超踰蓋君之視臣不使同大馬之賤則
下之報上亦欲致固陵之崇况習少習藝文粗知名教遭逢一旦
度越衆人唯當盡節於明時豈敢上懷於私計

謝除知制誥表

歐陽 永叔

伏以王者尊居萬民之上而誠意能與下通奄有四海之大而惠
澤得以徧及者得非號令詔詔發揮而已哉然其爲言也質而無
文則不足以行遠而昭聖謨麗而不典則不足以示後而爲世法
居是職者古難其人乃以愚臣而當此選中謝伏惟 皇帝陛下
茂仁聖之姿荷祖宗之業日謹一日曾未少懈而羗夷負固邊鄙
用師勤儉率先於聖躬焦勞常見於顏色雖有憂民之志而億姓

未蘇

雖有

未嘗

未蘇雖有欲治之心而羣臣未副故每進一善則未嘗不欲勸天
下之能每官一賢則未始不欲盡人材之用雖以爵祿而砥礪尚
須訓誡之丁寧尤假能言以諭至意可稱是者不又艱歟伏念臣
雖以儒術進身本無辭藝可取徒值嚮者時文之弊偶能獨守好
古之勤志欲去於雕華文反成於樸鄙本懼不適當世之用敢期
自結聖主之知陛下獎之特深用之太過此臣所以懇讓三四至
於辭窮而天意不回寵命難止尚慮頑然之未諭更加使者以臨
門恩出非常理難屢瀆及俯而受命伏讀訓辭則有必能復古之
言然後益知所責之重夙夜惶惑未知所措伏况文字之職廁于
侍從之班在於周行是爲超擢不徒揮翰以爲効自當死節以報
恩惟所使之期於盡瘁

謝除翰林學士表

張 全真

句閑避劇既叨碧落之林捨短用長復冒承明之直接俊遊之翰
墨動榮觀於紳綬寵不獲辭覲無所寄中謝竊以發施大號出

於絲綸鼓動多方孚若下茲雖險阻艱難之日資討論潤色之工
視草而報淮南之書上增嚴於國體扶杖而聽山東之詔下期合
於人心如臣性蔽諛聞道非深造詩書託業初有意於壯行章句
決科老自漸於少作適逢辰之尚武殆絕筆於摛文方須長劍之
銘鋒安取毛錐之用末之黃鍾之雅奏遠谷尾金之鳴頌詔綍之
便蕃躋禁林之密勿頌囊書羽檄未清郊壘之驚塵而蓮燭錦
袍猶想鑿坡之盛事叨蒙至此報稱未知此蓋伏遇 皇帝堯舜
性仁禹湯罪己考圖數貢體天心全付之仁任賢使能啓王室中
興之運冷臣託傾搖之孤跡終賜保全察臣無左右之先容每垂
親擢躡登鰲禁仰玷龍光謹當緝散散之陳言紬發忘之舊學曲
留朝著已銘正人端士之褒助發德音期感悍卒武夫之涕誓殫
千慮圖報萬分

謝除翰林學士表

王履道

烏臺代匱初塵執法之班黿禁升華遠冒摛文之選迂使輶而
錫命嗟里巷以縱觀祗荷寵榮唯知震灼伏念學專守己進冒干
時窮年隱約之中畢願捷遲之末支離其德早以供世用之難追
琢其章晚或誤天光之被逮蒙簡拔即獲對揚首親日月之清明
謂有山河之驚直風揚未遠欲隨鵬翼之高神化潛施不覺鼠肝
之大切頌非常之遇漸隣可畏之途典訓誥者暮年心已勞而氣
索司紀綱者三月力不逮而神疲矧茲內務之繁蓋拯儒臣之盛
不辭而受旁虞有識多士之譏自恕以居殆匪每慕古人之意獨
厚生成之賜重慚因任之求 皇帝陛下兼愛以臨百工虛懷而
觀衆智裁者植者各隨物性之宜鼓之舞之並入天機之運乃垂
眷於單老之際俾收迹於嚴近之游仰鴻造之不貲捐微生而莫
報試之一再已知翰墨之無奇惠以初終或觀田廬之可遂

謝除翰林學士表

王介甫

臣聞人臣之事主患在不知學術而居寵有冒昧之心人主之畜
臣患在不察名實而聽言無測但之意此有天下國家者所以難

於任使而有道德者亦所以難於進取也學士職親地要而以討論諷議爲官非夫遠足以知先王近足以見當世忠厚篤實兼恥之操足以咨諏而不疑草創潤色文章之才足以付託而無負則在此位爲無以稱如臣不肖涉道未優初無榮華過人之才徒有區區自守之善以至將順建明之大體則或踈闊淺陋而不知加以憂傷疾病久弃里閭辭命之習無廢積年黽勉一州已爲忝冒禁林之選豈所堪任伏惟 皇帝陛下躬聖德承聖緒於羣臣賢不已知考慎而於謀也又能虛己以聽之故聰明睿智神武之實已見於行事日月未久而天下翹首企踵以望唐虞成周之太平臣於此時實被收召所以許國義當如何敢不磨礪淬濯已衰之心紬繹溫尋久廢之學上以備顧問之所及下以供職司之所守

謝宣召入翰林表

歐陽 永叔

使車入里君命在門閭巷驚傳豈識朝廷之故事縉紳竦歎以爲儒者之至榮在臣之愚何以堪此中謝竊以文章之任自古非輕待遇寵榮至有私人之目詢謀獻納因加內相之名恩既異於常倫人愈難於稱職伏念臣器非宏遠識匪該明學不通古今之宜材不適方圓之用久叨塵於侍從曾莫著於勞能而自出守外藩近遭家禍苟存餘喘復齒周行風波流落者十年天日再瞻於雙闕進退之際已瀟颯於霜毛慰勞有加賜憫憐於玉色形神若此志意可知身已分於早衰心敢萌於希進加以羈危之迹仇嫉交攻進退動繫於羣言論議多煩於睿聽雖覆載之造每賜保全而孤蹇偷安常思引去敢謂伏蒙 尊號皇帝陛下俯憐舊物曲軫宸慈因內署之闕負俾備官而承乏臣敢不勉尋舊學益勵前修感遺簪未棄之仁竭駑馬已疲之力庶伸薄効少答鴻恩

謝宣召入翰林承旨表

蘇 子瞻

使星下燭生蓬華之光華天澤旁流失桑榆之枯槁國有用儒之盛士知稽古之榮伏以翰墨之林號稱內相文章之外不取他才至於用人可以觀政文武並用或成頗牧之功邪正雜居至有佞

文之患惟貴且近故難其人而况金鑾玉堂親被絲綸之密北廳東閣獨稱年德之高必有異人以齊衆口而臣本緣衰病出守江湖以一方凋弊之餘當二年水潦之厄戴星而治僅免流離及瓜而還况如夢寐交親迎勞都邑聚觀驚馬華髮之半空焚丹心之未折立投閑散以養衰殘豈期過採於虛名復使榮加於舊物此蓋伏遇 皇帝陛下德如乾健明配日中既祖述於堯仁復躬行於舜孝才難之歎人誦斯言緣先帝之德音收孤臣於散地言雖直而無罪身愈遠而益親委曲保全始終錄用臣敢不更磨朽鈍少補涓埃難得者時未有捐軀之會勿欺而犯誓無患失之心

謝宣召入翰林承旨表

蘇子瞻

詔語春溫再命而僂使華天降一節以趨在故事以嘗聞豈平生之敢望省循非稱愧汗交深竊以視草之官自唐爲盛雖職親事祕號爲北門學士之榮而祿薄地寒至有京兆掾曹之請豈如聖代一振儒風非徒好爵之糜兼享大尊之養玉堂賜篆仰淳化之彌文寶帶重金佩元豐之新渥既厚其禮愈難其人而臣以空踈冗散之材衰病流離之後生還萬里坐閱三迁不緣左右之容躡處賢豪之上此蓋伏遇 皇帝陛下生資文武天祚聖神雖亮陰不言尚隱高宗之德而訪落求助已啓成王之心首擇輔臣次求法從知人才之難得采虛名而用臣敢不益勵初心効圖後効才不逮古雖慙內相之名志常在民庶免私人之

謝宣召入翰林表

蘇子由

成命莫回驚使華之促召一家竦聽望雲闕以馳情實儒者之至榮豈平生之敢望竊以翰墨之職始自有唐供奉至尊講聞前輩北廊奏事有如李絳之忠中禁論兵復數畢誠之智迨我祖宗之盛最優文學之臣時舉舊章多蒙方呂對頃自恭默之後稍虛頌問之常方今聖德日躋羣臣屬目蓋將虛前席以博問繼夜燭而疇咨宜得雋良密侍燕語如臣草野微陋章句拙踈十載江湖之間自羣魚鳥五遷臺省之要求愧冠裳敢謂乏人遽令至此此蓋伏

遇。皇帝陛下天心廣大海德并包物無一介之遺意求萬目之舉臨朝訪道有百辟之在前燕處清心授衆正而自助從容盛德循致承平塵露之微海嶽奚補修列聖之故事今將其時因間見以納忠素亦有志

謝除翰林學士表

蘇子瞻

名微不稱寵至若驚伏念臣經術空疎吏能短淺少年自守無用於作新去國生還適逢於求舊初何云補遽辱甄收此蓋伏遇皇帝陛下文武生知聰明天縱法乾坤之廣運體日月之照微過採虛名使陳薄技敢不激昂晚節砥礪初心雖洪造之難酬盡微生而後已

謝除翰林學士表

汪彥章

非才冒寵久誇文石之班優詔傳恩趣上玉堂之直既假朝章之煥仍分御府之珍遜避莫從叨塵爲懼中謝伏以文章雖本一技命令實行四方故自古禁林之除極當時儒者之選矧今多事尤重他官內敷帝制之坦明外應軍書之整急學非閱博難酬刻燭之咨思或淹遲將誤掣鈴之召當得瓌傑來承燕間如臣者猥以諸生起於遐裔首尾策名之二紀中間不調者十年會真人光復之初陪列辟駿奔之後驟膺東掖編歷高華既時巡清蹕之屢移方驛召羣英之未至執鞭在道視草無人姑從東省之聯兼候北門之對嘗因多病不勝犬馬之心願賜寬恩任遂桑榆之暖執云代匱遂使爲真茲蓋伏遇 皇帝陛下志靖華夷憂深宵旰勵精於學每求稽古之臣罪己以言欲致銷兵之福治雖得要人豈當材臣敢不仰佩眷知力思補報絲綸行遠願奚俟於丹青海岳積微或有資於塵露

鎖闥

謝除門下侍郎表

晁无咎

驟膺中旨改貳東臺任已重而不勝請徒堅而急避感深榮寵愧極迂棟中謝伏念臣素乏賢勞蚤塵柄用思一介之賦而得志若

是碩歷年于茲而報國缺然是以進常內竭於見聞退亦不違於夙夜借曰知爾則何以空懷盛旦之難逢安有爲事而無功方愧中才之不足已憂昧冒更俾進遷而况黃闈三司之崇侍郎左相之亞猥當謀大滋覺人微此蓋伏遇 皇帝陛下付物以能使臣有禮誓法上古無貳法於後王取才當今不借才於異代股肱所寄負乘爲憂哲言殫積日之勤終觀太平之美

謝除門下侍郎表

司馬 君實

母慈臨御嗣聖亮陰登進弼臣眷求舊物才非稱任辭不獲從中謝伏念臣出自諸生幸承素業守泥古之樸學乏經世之遠猷逮事仁皇備負諫首容逆鱗之愚直無補衮之嘉謀會英祖之纂承進河圖之近密最膺異禮深亮孤忠及先皇即政之初披內相代言之命委司天憲擢貳樞鈞終獲遂於懇辭蓋曲成於志守而臣涓埃罔効精力早衰出守無能分臺得請留連祠館荏苒歲華不圖仙駕之升永絕清光之望伏遇 皇帝陛下丕承洪緒寅御中區訪落之謀亟先於羣辟賜還之詔屢出於中宸起於林壑之中處以廟堂之上矧今如初政事綏靖邦家四方翹首以向風萬姓傾心而聽上斯乃君臣敬懼之日宗社安危之機必得非常之才以濟惟新之治臣避命弗獲居寵爲憂謹當承元首之明竭股肱之力庶圖薄効仰戴鴻私

謝除門下侍郎表

蘇子由

黃闈之崇惟賢是用四品之貴匪功弗加自慙迂拙之餘併荷寵光之及中謝伏惟 太皇太后陛下政由家出德與性成盡心與民雖萬鍾無愛於國繫身由義雖一毫未嘗取人惟至清故大臣小吏不察而盡知惟至公故貴戚近習不戒而自飭臣每因雙日獲覲清光嘗恐病竅不中於規模固陋難逃於冰鑑方欲仰干聰聽少避衆賢敢謂未見瑕玷尚加進擢豈以其拙直無欺罔之過而遲鈍少狂躁之心致此誤恩濫於末品此蓋伏遇 太皇太后陛下人非求備志在養賢將欲因鮑以致管生尊隗以招樂干拔

十觀五人之用累百求一鷄之精廣而不遺多故致雜臣敢不仰體聖意旁求哲人既以寬寤寐之久勞亦以救空踈之不逮過此以往未不知所裁

謝除門下侍郎表

汪彥章

以參帷幄方俟黜幽進貳機衡遽叨圖舊莫寢已成之命唯深非據之憂席寵過隆撫躬何幸中謝伏念臣粵從孤遠遭值聖明少誦師言每信書而違俗晚陪國論更充位以妨賢蒙淵鑒之誤知保孤衷而平進肆竭股肱之力何施毫髮之功豈伊白首之衰蹤堪此黃扉之重任雖緣人乏實玷詔除茲蓋伏遇 皇帝陛下剛健粹精聰明齊聖踈通萬物之理灼見羣臣之心猥忝朴學之無他擢處周行之至要第崇資顯秩當收有用之才方治世昌辰尤急可觀之效誓勤鞭策力振綱維與多士以同寅上承休德隕百身而圖報敢愛餘生

謝除給事中表

汪彥章

甫從優秩陪朱邸之羣英忽被褒嘉擢黃扉之要職命由中出恩匪次遷亟上列於危棕終莫回於渙汗叨踰已甚跼踖莫勝中謝伏念臣材本闕踈仕常堙阨方緣孤跡記錄洞衷徧更卿列之華略無寸効久奉皇枝之秀積有餘榮中緣霜露之憂獲遂江湖之請既承清問復返故棲參祕殿之華資食一殊庭之厚廩俾專載籍仰贊維成方倚俟於謹訶乃曲蒙於甄叙頒鸞臺之新渥仍兔苑之前除皆出誤知若為仰稱此蓋伏遇 皇帝陛下躬持獨斷並進羣林知臣推鈍無他故長奉賢王之學憫臣踐揚最久故亟升法從之班矧惟家世之零丁今乃弟兄而遭遇迭居嚴近超出等夷敢不祗服訓詞益堅操履進侍言於堯舜退敷善於閭平三組兼華既極在庭之選一門相勉誓殫許國之誠

謝除給事中表

呂安老

班聯二省位次六卿賁以身章先生蒞屋中謝竊以命令之出悉由鸞臺書讀而行分任鎖闥蓋樞機之所繫豈宜毫釐之可差

况屬非常之時類多希有之事願承平之法掃地而僥濫之例滔天革之實難因亦豈可要參訂其當不蓋斟酌之重輕使臣得効職而上無負於聖知則政不失中而下不駭於羣聽如臣者材疎無取識闇少通徒知適道而未可與權止堪任劇而難以入細頃歷監司典方面任各累年皆自宰屬擢我曹通不滿歲論資格則淺其可治行而蔑然方汰斥之是慮豈陛遷之敢覬此蓋伏遇皇帝體堯舜之孝弟躬文武之憂勤以拯焚救溺之心堅冰首瞻之志方攘夷狄坐令中國之勢安勿用小入遂見君子之道一羣材彙進一藝必庸故於使令每及頑鈍臣敢不仰思睿獎俯激懦衷願為良臣不假回天之力親逢盛旦終觀復古之勳

謝除給事中表

胡文定

伏奉 聖旨除臣給事中令所住州軍以禮津遣者方懷賜缺敢覬舊恩忽奉明綸復申前命加以優隆之禮賁于衰朽之身揆實非堪冒榮增惕中謝伏念臣孤根難芘鍛羽易摧昨值飛龍首拔羈單之跡欲令批鳳擢陞論駁之司世屬艱虞志存糜殞共涉稔天之巨浸不貪弱草之輕塵恨迫沉疴阻趨嚴召罄披肺腑哀籲冕旒久閱俞音未回眷渥偶招浮語見謂不恭疾病者古制之所寬辭受者昔人攸慎福基素狹既極延殘寵日雖華曷宜冒昧稍識事君之義敢于慢令之誅無隱勿欺謹遵往訓不能則止鈇守格言誰刻封章頓迷情實請震雷霆之怒特施螻蟻之微訖免嚴科益歸獨斷棲遲蓬華荏苒星霜潢汙之願逾深地遥冥海葵藿之誠彌切望階朝陽逮聞胡馬之東侵跂危變輿之南狩山河震動宗社貼危感悟聖情肅將天討屏大姦於當路殄羣醜於周廬禹法九疇再扶皇極周官八柄不紊賞刑掃積弊之亂原舉興衰之治具弓劍西瞻於陵闕羹墻北望於寒雲是聖人不畏之辰正明主有為之始庶邦拭目多士殫冠臣於此時乃沐殊獎此蓋伏遇 皇帝陛下上循堯道旁達舜聰疇咨洞別於正邪聽察博通於遐邇灼知素守許奉內朝待旦即行動整筮之雅

與中霄起舞晞擊楫之名流夢魂先遠於勾陳精爽已棲於交戟
其如蹇薄難復進趨目昏久困於視瞻足弱實妨於拜跪身非已
有豈懷枕石之思事與心違空結望雲之戀丹衷徒積洪造難酬

聖宋名賢五百家播芳大全文粹卷第三

聖宋名賢五百家播芳大全文粹卷第四

謝表

中司

謝除御史中丞表

蘇子由

視草禁中既極儒臣之選專席朝右復膺忠告足求兼延閣之寵
名增南司之榮觀退循淺拙徒積兢危中謝伏以仁聖在宥五年
于今恭儉無爲四方稱治然而矯枉之過苛吏適去而寬弛相尋
華故之難赦事雖除而條綱尚棄民貧未可經遠吏竄難於責功
是謂守成之難宜有厲精之實幸臺綱之一舉措國是於無疑如
臣才力之微勉強何及此蓋伏遇 太皇太后陛下德惟王善政
貴日新閱風俗之惰媮審詞說之忠佞知逆耳之利行察遜志之
多非是以度越雋賢收掇微賤然臣迂愚之質砥礪莫加顛沛之
餘衰罷日甚言之無補昔已效於諫垣文不適時比復塵於翰苑
恩深莫塞才短奚爲惟有事君之小心每欲終身於直道折而不
屈蓋蓬蒿自然悔而猶鳴亦雞鶩之常性志效捐軀之報未知
授命之辰拜伏在廷俯仰增愧

謝除御史中丞表

黃魯直

耳目之官紀綱所寄得人則百僚用憲奉枉則庶職不凝豈圖眷
求猥及孱朽中謝伏念臣師心孤陋賦性朴愚宣力三朝螻蟻之
心未報親逢二聖犬馬之齒既衰智已眇而見事遲才已拙而於
用少補早衣之缺空慙折檻之忠拜青瑣之門未有回天之力執
銓衡无山濤之識侍帷幄无史魚之風忽被除書進丞執法方虞
官謗更益寵驚此蓋伏遇 皇帝陛下淵默以行四時文明以首
萬物有知人不蔽之福有念功无疆之休憐其後凋收置近列惟
是言責實難入才黑白分明仰恃聖心之虛靜米益細碎敢塵天
聽之崇高雖自誓言終憂墮越

謝除御史中丞表

張全真

代言西掖未施翰墨之勞執法南臺復叨耳目之寄已試無狀拜

恩有加中謝臣聞國敗由於官邪必借重於紀綱之地主聖然後
臣直故樂聞於藥石之規茲明辟反正之初當玉祚臨危之際要
使姦邪不起凜如猛獸之在山淪悅無疑沛若巨魚之縱壑庶拾
遺而補過或揀溢而扶衰如臣性甚贛而不移技易窮而寡偶早
從吏役久已弊於精神晚綴朝紳老不堪於憂患因緣遭遇冒昧
獎知踐兩省之近班曾乏論思之益更三院之要任但增仇怨之
多儻非假寵於蓋容何以分憂於宵旰此蓋伏遇 皇帝神心經
緯聖武布昭任賢使能以圖中興廣覽兼聽以通羣下鼎新庶政
方瞻洗日之光咸受衆長俾盡回天之力致茲么麼亦有叨踰戒
虛美之薰心敢覲容容之福利忠言之逆耳尚幾諄諄之昌或有
効於万分誓不辭於九殞

謝除御史中丞表

王十朋

備負左省初無論駁之勞承之中司更誤選掄之要據非其任愧
溢於顏中謝臣聞朝廷清明百僚咸脩職業海宇又謚万事皆守
科條然豐亨當高大之時碩既濟思豫防之策下情弗壅言路宏
開責之雄峻之官列在紀綱之地訓詞申敕辨忠良姦佞之朋治
道相關考理義憲章之正必求知敏宜有箴規如臣者齷齪腐儒
侵尋晚節驟塵禁從每出淵衷衰疾內乘願投閑而未獲寵光曲
被俾執法以何堪退自省循弥增震悸茲蓋伏遇 皇帝陛下乾
剛獨運離照溥臨御臣得編棧之方操術无膠柱之弊凡蒙駢使
悉荷簡知臣敢不剖心析肝絕猜防於謗鑠明目張膽庶無負於
猷為一言幸收百謫寧避

承轄

謝除尚書左丞表

歐陽永叔

大慶均行霽流而甚溼鴻恩曲被俯僕以無容中謝伏念臣性質
迂愚器能淺陋言不足以備典謨之奧李不足以通治亂之原徒
以早荷兩朝之誤知拔自孤生而獎用疲駑雖勉訖無補於毫分
歲月屢遷尤坐貪於寵祿方懼黜幽之典敢希冒進之榮此蓋伏

遇 皇帝陛下光紹寶圖惟新聖政繼離明而大照推乾施以無
偏致此妾庸首惡漢汗臣敢不退思整懼益勵衰疲感風雲際會
之難依日月光華之末少圖後效莫盡夙心

謝除尚書右丞表

蘇 子由

漢汗之恩已行而不反偃僕之志雖勤而莫伸上愧鴻私下慚公
議中謝恭惟 皇帝陛下接堯舜之統蹈成康之仁躡貌先正耆
老之臣揀拔後來翹秀之士俛仰六載前後幾人坦然公明故不
私賢否之實穆然淵默故坐照情偽之真臨御久則鑒愈明得失
分則下無隱如臣者西南賤士章句小儒早歲猖狂偶竊多聞之
選中年流落既安縣尹之卑遭時乏人致位近侍跌實文墨之固
囁嚅議論之場舉皆空言安有實効願惟省轄之重責參國論之
餘豈無遺賢遽及微品地寒資淺何以望三事之餘光才短力罷
安能裁六職之滯論雖復黜俛就職愧歎何言此蓋伏遇 皇帝
陛下天地之仁曲成草木之陋父母之愛不錄子弟之非將建大
厦以覆羣生收衆材而無弃物然臣負過其力受非所容惟有絜
已無私或不孤於託付引類自助幸得免於顛路不渝始終少荅
恩造

謝表

侍從加職

謝除職表

陳安行

南國承流曾微善狀西清俟對忽玷明恩仰歛睿鑒之公俯錄
禁林之舊辭弗獲命感不容聲臣中謝伏念臣自愧凡才受知
慈極柱史婁書於君動綸闈晉代於王言紅藥堦翻三見條
風之應蓼莪詩廢兩驚燧火之更望已絕於華途幸適逢
於初政躋榮書殿分守价藩當舟車交集之衝動有風波
之可畏矧兵民錯居之地欲轆閭井之无譁但知以公而滅
私不敢崇虛而飾譽昔有年加勉五技已窮綬懷得江漢之
心粗收薄效惠養本郡國之政敢覬殊褒四松既踐於新班

兩禁遂尋於故步惟清相密勿均儲謨訓之嚴而新閣崢嶸煥
有文章之盛豈容極陋乃獲參華茲蓋伏遇

皇帝陛下立賢無方愛民如子數正元之朝士加惠舊臣下建
武之詔書式旌能吏首借春風之披拂用爲暮景之光榮故
雖罔功亦叨進律且敢不祇承殊遇竊志壯圖仰選諸所表
之朝方循名實佩益懋乃猷之訓更厲夙宵

謝加食邑表

陳安行

大饗于郊聿修元祀多與之邑猥及下臣誦紫誥之春溫
佩鴻私之天大旨中謝伏念臣偶緣末學獲備從官入以告
君豈有獻納論思之益出而作牧粗無歎息愁恨之聲當
睿主之肇裡舉羣工而來祭侯執邊巨莫陪奔走之勞身
在江湖方負滯留之歎敢圖解澤游錫渙恩加賦爰田豈
謂彝章之舊通班內閣更叨褒綍之新席寵便蕃撫躬
震惕茲蓋伏遇

方四

三下

皇帝陛下誠參天地治感神明歸胙未央方僕万年之命受
釐宣室庸均四表之歡凡列禁嚴不殊中外疊此九霄之渥
萃于一介之愚且敢不勉勵孤衷對揚徽數加地進律既濫
予於罔功御衆牧人尚庶幾於課效

謝磨勘轉通議大夫表

陳安行

劇郡承流尚寬薄責公朝會課遽忝階升是何踈逖之
蹤猶在記伶之數目中謝伏念且起從下土被遇重明後傑
前英誤推擇於衆人之右出藩入從遂遭逢於數歲之間
眷今時假守之邦實前日興王之地未效秋豪之補敢當歲
計之榮惟隋室建官掌議迺稽於西漢速

皇朝易制通班實視於東臺自揆么微若爲報塞茲
蓋伏遇

皇帝陛下衡持八柄器使羣工謂累日校勞雖在遠臣
而不廢碩循名核實可於近侍而獨遺申卑絲綸用華

筆橐自敢不益有晚節更厲初心賜金爵於潁川已冒璽書之寵買犢牛於渤海庶令擴俗之移

謝除資政殿大學士表

錢參政

解繁機而宅牧重媿罔功聯祕殿以升班更叨申命弗前遜牘亟下贊書席寵過隆撫躬知懼伏念某起家平素涉世艱勤本乏材能已絕進身之望粗安義命敢萌過分之求初無左右之容忽奉清間之對服在朝紳之末名豈登聞遽承帝席之前語將試用旦暮獲千年之遇春秋閱一絕之周力雖竭而常憂任重之不勝心雖勞而唯恐計短之不逮自虞瘵曠辜此鑑知豈意超迁亟加柄用佐事樞則莫贊廟謨之大參國論則何裨聖智之明驚歲首之頻更荷天心之善貸因遂退休之請爰推進職之恩謂其身歷於政塗特爾名加於規殿滿盈惕戒懇避矜從歸未定而已促於藩宣秩未終而復移於留任君之待臣者可謂至矣臣之報上者其將若何唯有懼心凜凜淵冰之側但知勤事惓惓夙夜之間分所

方四

四

當然功而何有兩郡未殫於駑力三年再被於龍光職司宮鑰之嚴常親地禁名隸雲霄之表不遠天臨庶平生而未嘗寵微躬而特厚施均內外眷備始終入輔出藩曾莫酬於毫髮昔辭今受徒有愧於心顏伏遇 皇帝陛下精鑒臣鄰博觀海宇謂分銅虎之寄均民社之不輕而剖玉麟之符在事權而尤重矧曾參於近密終令綴於邃清頒一札以示私使十連而增耀某敢不俯思職守仰軀眷懷塵露其微固何資於海岳桑榆已晚終難報於乾坤

謝除資政殿大學士表

毛伯穎

護羣帥於遠方曾微善最冠諸儒於中禁載錫隆名循墻雖切於固辭出綽難回於成命靦顏冒寵淪骨銜恩中謝竊以秦隴繹騷岷梁疲弊宿師屯而扞寇取民產以給軍非卒乘輯和則何以摧勅虜之鋒非里閭安妥則何以供輿師之役而臣備負牧守授任兵民謂時乃糗糧雖著曾侯之誓而為之保鄣孰先尹鐸之寬徒自竭其股肱覬不傷其基本由無見効盡稱褒揚此豈伏遇 皇

帝陛下肅將天威勤恤民隱削平區宇將大啓於帝圖懷保黎元每不忘於邦本謂臣頗堅素守久侍清光粗供饋餉之期不失袴襦之惠特推醲賞以勸微勞臣敢不自勉衰疲少圖補報整軍經武豈惟德裕之雄邊和衆豐財退誓諸曷之善政少補中興之功業終諧歸老之田園

謝除資政殿大學士表

王介甫

祕殿升華名城優重寵靈溢分愧懼交懷中謝竊念臣世系單平天姿滯固親逢大雅之會首玷秀廉之科黽勉在公優游過紀被蒙眷與度越等夷省手備官禁庭充位分無可採懼抵冒於憲章寸有所長使裨參於治政朴忠自信智慮罕通未盡將明之誠已干苛譴之典至寬之度橫貸其誅褫夫左右之聯寄以東南之屏敗材傷錦宜有衆多之譏增秩賜金本非平素之望敢圖上聖復眷孤臣就徒通班改司善部惟汶陽之奧壤乃魯服之大邦豈繫薄材稱是煩使此蓋伏遇 尊號皇帝陛下遇臣之道於遠不忘燭物之明雖微必迨追惟躋後之舊特借叢雲之休竊自揣循將安報稱臣敢不激昂志尚練悉政經宣布詔條之寬綏安風俗之厚庶幾一得云補万分

謝除端明殿學士兼侍讀表

蘇子瞻

衰年自引久抱此心異數併加實爲非意銜不獲命愧何以堪中謝竊惟以殿命官本緣麟趾之舊因時脩廢近止金華之名歷代所榮於今爲甚自元豐之末官制以來若非身兼數器之人未有名冠兩職之重而况秩宗之任邦禮是司豈臣迂愚所當兼領茲蓋伏遇 太皇太后陛下憂深社稷慮極安危求忠臣於愚直之中論治道於文字之外知臣難進而易退或非患失之鄙夫故授以禮樂清閑之司使專於論說琢磨之事此恩難報願輸歲月之勤度已所宜終遂江湖之請

謝除端明殿學士兼侍讀表

蘇子瞻

備負西學已愧空疎易職東班尤驚忝冒遂領宗卿之事併爲

儒者之榮中謝始臣之學也以適用爲本而恥空言故其仕也以
及民爲心而慙尸祿乃者屢請治郡兼乞守邊欲及殘年少施實
效而有志莫遂負愧何言今乃以文字爲官常語言爲職業下無
所見其能否上無所考其幽明循省初心有靦面目故於拜恩之
日少陳有益之言孔子曰一言可以興邦而孟子亦曰一正君而
天下定昔漢文帝悅張釋之長者之言則以德化民輔成刑措之
功而孝景帝入晁錯數術之語則以智馭物馴致七國之禍乃知
爲國安危之本祇在聽言得失之間恭惟恭惟 皇帝陛下即位
以來孝如不及問道八年寒暑不廢講讀之官談王而不談霸言
義而不言利八年之間拍陳文理何啻千萬雖所不同然其要不
出六事一曰慈二曰儉三曰勤四曰慎五曰誠六曰明慈者謂好
生惡殺不喜兵刑儉者謂約己省費不傷民財勤者謂躬親庶政
不迹聲色慎者謂畏天法祖不輕入言誠者謂推心待下不用智
數明者謂專信君子不雜小人此六者皆先王之陳迹老生之常

方四

六

談言无新奇人所易忽譬之飲膳則爲穀米羊豕雖非異味而有
益於人譬之藥石則爲耆木參苓雖無近效而有益於命若 陛
下信受此言如御飲膳如服藥石則天人自應福祿難量而臣等
所學先王之道亦不爲無補於世若陛下聽而不受受而不信信
而不行如聞春禽之聲秋蟲之鳴過耳而已則臣等雖以三尺之
喙日誦五車之書反不如醫卜執技之流簿書奔走之吏其爲尸
素死有餘誅伏願 陛下 一覽臣言少留聖意天下幸甚

謝除右文殿修撰表

汪彥章

入對治朝方上甘泉之計進聯書殿遽先延閣之英積此超踰若
爲報稱中謝伏念臣一將使拍三歷歲時徒殫犬馬之勤無補消
埃之數有功見知則說姑幸使令投閑乃分之宜敢圖褒叙忽然
雲天之澤擢參奎壁之躔冒九等之崇資佩一時之新渥遷非以
次命出于中茲蓋伏遇 皇帝陛下道本曲成治惟公聽謂勤於
夙夜雖皆奉上之忠非隨以賞刑孰謂知人之哲比方歸報已辱

甄收仍返故樓俾收來効入預懷鈔之表著歸增乘傳之光輝臣敢不祗服訓詞茂宣德意益加緣飾不專俗吏之所爲永誓糜廩庶幾古人之大節

謝除龍圖閣學士表

蘇子瞻

中禁寶儲上應奎壁之象先朝謨訓遠同河洛之符隸職其間省躬非據中謝伏念臣學非有得愚至不移雖叨過實之名卒无適用之器少時妄意蓋嘗有志於事功晚歲積憂但欲歸安於田畝屬聖神之履運荷識拔之非常猶望桑榆之收遽迫大馬之疾力求閑散庶免顛隕豈謂 皇帝陛下聖度包荒天慈委照察其才有所短不欲強置之禁嚴知其進不由人故特保全其終始遂加此職以責其行臣敢不仰緣末光益勵素守往何之而不可中無愧之爲安但未死亡必期報塞

謝除龍圖閣學士表

汪彥章

鋒車趣召記甘泉法從之餘之檢疏榮陞延閣清班之首恩光曲

方四

七

被感涕交流中謝伏念臣頃以疾辭安於外補剖符方面兩膺南國之除持橐禁嚴四玷西清之選自守粉榆之壤屢蒙駑蒲柳之秋身留閩徼之山川夢寄長安之鍾鼓所憂餘日莫陪鳴玉之班何意中天忽降賜環之命奔馳上道展轉逾時曾未對於清間已亟蒙於褒叙錫之華秩寵以神毫豈伊蹉跎之微蹤堪此蕃宣之異數茲蓋伏遇 皇帝陛下天臨萬物子視羣臣伶孤生去國之七年抱衰疾守蕃於万里靡因人言召季布於河東因受帝釐見賈生於宣室特假河圖之峻用爲州紘之榮豈惟示眷於始終蓋欲均勞於中外臣敢不益堅晚節無媿初心雖徂未除難以筋骸之勉強然大恩必報誓於肝膽之糜捐

謝除敷文閣直學士表

洪景伯

宣布中和方歌盛德之事擢列侍從還復敷文之階德雖自於合宮恩實顯於黼座幸逾望表懼溢情涯臣中謝伏念臣一汗周行三陪近著莫之致而致者盡出聖明非所據而據焉卒孤簡注者

之既至時不重來正浮食以太優更叨名而特異過能自訟孰云
白璧之無瑕籠至若驚不失青氈之舊物身在江湖之上班聯殿
閣之中人以為禁臣獨知愧茲蓋伏遇 皇帝陛下照臨若日溥
博如天賞以馭成煥治功之綜核祭則受福章宗祀之光輝曾是
寒蹤曲蒙私覆臣敢不深惟玷缺益務激昂仰冀留復化神奇念隆
知之未報貧賤常思富貴願再命以難勝

謝除龍圖閣直學士表

汪彥章

論恩亡補帟寵過優蒙內史之贊書預西清之史直載循僥冒采
積兢危謝竊惟祖宗謀訓之藏上憲奎壁圖書夏象敬禁楹而
並峙命儒李以近居矧接駕鴻之游尤高龍馬之選法從假之而
出守書生得此以為榮夫豈尋庸所能堪副此蓋伏遇 皇帝陛
下聰明誓古寅畏奉天見賢而拔其尤每兼收於羣策撥亂而反
之正分方面之顧憂雖遠清光實駁全度重高明之地悵已負於
明恩踐文石之班敢遠忘於雅意

謝除頭謨閣學士表

汪彥章

蒐求載籍僅輸聖教之勞越進通班益玷承明之選蒙隆私之荐
及懼小已之難勝中謝伏念臣少而嗜書老而憂國念廣記備言
之所載雖諸侯小國以尤傳豈承萬世之不基乃缺一朝之信史
因露章而有請蒙給札以兼收周旋雖閱於七其綴緝故忘於一
日多識漢事徒竊慕於蔡邕續承聖書願誰推於陳壽豈意奏
篇之瀆遂叨增秩之榮此蓋伏遇 皇帝陛下繼躅守文奉先思
孝既皇皇追慕望鼎湖弓劍之還宜汲汲纂修求石室圖書之備
明詔周詢於海內遺編悉上於史官方博見聞一折凡例而臣夙
蒙駑委適就編摩固難追補於螭頭幸自獲臻於麟趾爰冒塵於
乙夜俄超擢於西清仍許乃僚亦同茲賞臣敢不極言彈撲學仰稱
明恩問周穆王之詩庶无慙於二革上段太尉之事當更採於宗
元

謝除徽猷閣待制表

蘇叔黨

起於琳館付以名邦復玷除書存膺謀帥寵以禁嚴之職俾增方面之崇誤恩曲加撫躬知愧中謝伏以陳力就列臣子所以委質而事君爲官擇人朝廷蓋將厲世而磨鈍自昔祖宗之故事必由侍從而進人况內閣之華資待天下之名士掌星躔之寶訓近日月之清光豈特搢紳之榮實高儒學之選而臣賦材鄙野備問空虛福盈每懼於災生器小不堪於大用弟兄持橐愧先後於一明銅竹請符蓋原窮於五技獨荷淵衷之眷辱收閑廢之餘雨露所加乾坤莫報此蓋伏遇 皇帝陛下聖神廣運睿智有臨法天地之自然一道德而同俗長纒遠馭操爵祿以興事功左戚右賢借名器而彰淑慝察臣之先容於左右知臣嘗夙瘁於使今致此恩榮下及孱陋臣敢不策其駑蹇但求堅於一心志在稟捐庶用酬於千載

謝除秘閣修撰表

張敬夫

臣言先在廣西任日伏蒙 聖恩除臣秘閣修撰尋具辭免奉

方四

九

聖旨不允已祇受告命者奉藩何補坐賣三年進律之褒乃蒙再命控忱辭而莫獲拊小已以增羞中謝伏念臣鈍質無堪孤蹤難植備保鄣於遠服凜危懼之百懷惟仰侍於聖明勉自殫其心力班超之策但守於平平陽城之書固甘於下下豈期眷獎存賜寵光俯矜塵釜之餘生俾隸蓬萊之高選超踰若此報稱謂何此蓋伏遇 皇帝陛下器使羣才光被四表顧未忘於簪履復之舊尚念黷愚將示勸於牧圉之辰姑從隗始榮踰華袞愧甚循墻臣敢不勉務朴忠仰承德意始終一節期不負於素懷驅馳四方敢或殫於煩使臣無任

謝除直秘閣表

晁之道

聖心念功曲軫累朝之故老德澤延世亟參內閣之華資遺烈載明危心增懼中謝伏念臣賦才甚下涉學未復備聞忠孝之風相識君親之義每竭臣節以明父勳甘九死而不辭幸一言之能感蓋以先臣之遭遇積勤於皇家共惟列祖之眷懷實度越於羣

辟昔事仁祖再登宰衡既成河朔康濟之功復啓至和撥立之策
左右英廟翼戴裕陵發德弗言遭時乃顯於赫元豐之詔大明嘉
祐之勲位冠公卿名先彝鼎賡歌未遠奎畫具有肆蒙上聖之哀
憐盡滌曩時之過咎追還恩渥備載策書存敗義宗最爲愛替俯
矜愚息特俾褒陞矧圖籍之所藏實英俊之攸處豈容陋品亦非
優除此蓋伏遇 皇帝陛下睿智日昭聖謨天運制作之効不日
有成太平之功視古無愧謂方今之多士悉已招延惟在昔之宗
臣豈忘褒顯罔間存沒均被寵靈臣敢不勉激懦衷力遵先訓懷
顯親之義已獲發其幽光輸報上之忠惟有殫於死節

謝除直祕閣兼賞賜表

呂伯恭

右臣今月四日承中使李裕文宣諭聖旨所編文海精當賜銀絹
三百疋兩者奏篇無取錫命有加既叨中祕清切之隆復拜內府
便蕃之賜人微恩厚感極涕零此蓋伏遇 皇帝陛下聖學高明
皇猷淵懿粲然衆作思採撫以無遺最爾小臣懼討論之不稱已
逃罪戾仍被眷私抱慙懷鈔曷副右文之意賜金增秩徒慙替古
之榮

謝除待制表

王龜齡

臣某言某年某月某日進奏院遞到誥一道伏蒙 聖恩特授朝
奉大夫充龍圖閣待制依舊知池州臣已於當日祇受謝恩訖識
慮養愚固甘遠斥恩慈博厚猶假小麾第深循省之思豈有甄收
之望明綸下逮感涕交流中謝伏念臣幼粗知書晚方入仕雖嗣
爲裘之業頗歛畫餅之名挾軼磨鈔時枕籍於圖史含香珥筆每
步趨於省臺誤被簡知荐加馳策僅同駑馬之十駕坐致力殫未
効飢鷹之一呼居然氣索扶衰上道吊影自怜竭來江湖之濱亦
當民社之寄日昏貿貿詎堪從事於簿書臂病拘拘行願乞身
於田里遽頒宸翰俾復從官在聖度之兼容何孤忠之可覲茲蓋
伏遇 皇帝陛下堯仁舜孝禹儉湯寬紹述法度而成適厥中任
用人材而各安其職憫茲尋陋示弗弃遺延閣通班幸列西清之

嚴近左符有守敢嗟南服之滯留終誓靡捐仰酬覆冒

謝除男正言待制表

王介甫

乎號明恩實由中出美官要職弗以次加知榮耀之及私顧僭差而累國雲天在望冰炭交懷中謝臣出於羈窮好是拙直道常遺俗宜芻狗之致妖才不逮人何藿蠋之能化 皇帝陛下收之末路付以繁機距滔天之衆讒責經世之來效施及賤息變越稠人延登朝行使嗣講業方仰陪於膝席俄中廢於軒墻雖進趨之禮久妨而問勞之恩狎至莫知報稱但負兢慙豈意眷憐更加超擢待制之爲職以陪侍禁嚴正言之爲官以諫救遺失承金華之舊學親玉色於燕朝併叨殊私甚駭羣聽此蓋伏遇 皇帝陛下攬取同智無小大之遺搜揚衆材無久近之間苟或不肖既嘗有聞必垂甄收以示勸獎四方之訓于我無競維人多士之生斯時不顯亦世永推遭值孰與等夷君臣以事道相求是惟希世父子以傳經見用鮮或同時雖愧臯陶濟美之材敢忘狐突教忠之義

謝進職因任表

張敬夫

內閣分華進其寓直介藩因任錫以替書既莫遠於終辭稟不知夫所措臣其中謝伏念臣昨承人之來守領隅忽坐闕於兩秋亦既殫於五技所賴旁流之惠澤故茲少息於疲疇吏於其間譴因以免敢希誤寵何有微勞此蓋伏遇 皇帝陛下以大有爲之資行不忍人之政遠邇一視真傳太上之心賞罰至公悉聽輿人之論惟臣不敏曷稱所蒙况聞前哲之言多畏居官之久非人情狃習之爲慮寔是已志怠忽之難防其幾弛於方寸之間則害及於一路之廣反復以念經營莫寧敢不履薄臨深益思謹於侯度庶幾積銖累寸或不玷於皇明



聖宋名賢五百家播芳大全文粹卷五

謝表

經帷 東宮官

謝除侍講表

張敬夫

拜命中宸執經西學雖踵熙朝之故事實爲儒者之至榮莫遂懼辭惟深惕懼臣其中謝竊以剛健篤實易稱多識之功緝熙光明詩著存肩之義蓋典學所以建事而治國始乎修身厥惟哲王乃燭大本此蓋伏遇 皇帝陛下德先勤儉政用中和從善若轉圜每盡謙虛之道臨民如御馬足懷兢業之思念六籍之格言爲百王之要範將求鴻碩與共講論願臣何人亦豫茲選臣敢不樸忠自許古義是研勉殫夙夜之誠庶幾千慮儻有涓埃之補少答大恩臣無任

謝除侍讀表

蘇子瞻

叨承新命祇服訓詞溥技已窮舊恩未替中謝伏念臣志大而才短論迂而性剛以自用不回之心處衆人必爭之地不早退縮安能保全是以三年翰墨之林屢遭飛語再歲江湖之上粗免煩言豈此身愚智之殊蓋所居閑處之致臣自處何者爲宜而况講讀之司帷幄最近分章摘句則何以報非常之知因事獻言則又必貽前日之患雖仰恃天日之昭嘗常負冰淵之虞其惟 皇帝陛下大德庇民小心順帝雖天覆地載以聖不可知爲神而日就月將以學而不厭爲智曲收舊物以廣多聞臣敢不職思其息本無分於中外欲報之德誓不易於死生

謝除侍讀表

汪彥章

視草禁嚴論經間燕兼近侍進言之責極儒臣誓古之榮拜命以還撫躬而懼中謝嘗謂天縱將聖奚煩博考以成名王求多聞蓋欲取人而爲善故自古右文之世必留心講藝之官如臣至愚何所云補茲蓋伏遇 皇帝陛下卓然上智濟以克勤同漢祖之英論道不忘於息馬笑齊侯之陋讀書見議於斲輪而臣猥以非才

膺茲遴選第竭簡編之素習仰承帷幄之清光海岳深崇固無取
涓埃之細聖賢聞見或不如農馬之專堦絕蔽欺用酬知遇

謝除翰林兼侍讀表

蘇子瞻

學術本踈老復加於謇訥官聯愈近職專在於討論退省其愚莫
知所措中謝伏以天威咫尺願末技以何施聖敬日躋豈羣臣之
可望非張禹寬中之篤孝尤量懷素之懿文則何以奉天子五季
之游求王人多聞之益如臣愚暗何與選掄此蓋伏遇 皇帝陛
下卓然生知輔以好學方高宗恭默之後正皇帝勵精之初衆論
並陳悉洞照其情偽陳編一覽已周知於廢興察臣衰病而无求
庶可親近而寬過故茲拔用驟及疲駑臣敢不温故知新粗辦有
司之職見危致命更輸異日之忠

謝除太子賓客表

汪彥章

儲闈肇啟當收尤異之才詔綽中頌首玷高華之秩既預論思之
秘仍參調護之榮承命便藩抚躬踴躋中謝伏以三王之教世子
必用正人兩漢之詔官僚無非碩學矧在賓延之列尤爲儒者之
光方朝廷新曠古之儀俾世嫡正前星之位養德茲始求賢實艱
尚虛六傳之聯先遴十人之選如臣膚淺非國俊髦可典謨訓誥
之文猶孤眷倚豈父子君臣之道能有建明弗獲固辭終慙非據
此蓋伏遇 皇帝陛下紹隆邦本因任人才謂臣久侍禁林最爲
孤直知臣日承聖學粗識源流故此褒嘉輕於畀付入奉教龜山之
直出參學禁之遊夫何一介之微兼此兩闈之渥古今鮮儼中外
懽傳臣敢不益懋嘉猷誓堅晚節密爲羽翼當如園綺之賢徒
事文辭敢効應劉之陋

封爵

謝特授儀同封舒國公表

王介甫

發號端門外章慶賜䟽恩列辟俯逮空食舞手均歡捫心獨幸中
謝伏念臣久孤眷遇當即譴訶曠歲籲天尚饒榮而未獲新恩賜
國仍席寵以有加唯茲邦土之名自昔宦遊之壤久陶聖化非復

曾信之所懲積習仁風乃嘗朱邑之見愛鴻私所被朽質更榮此
蓋伏遇 皇帝陛下道冒羣才弥天之所覆恩涵庶品并物之所
包以釐事備於郊官而惠澤均於海宇故雖幽屏弗以遐遺願冒
昧之不賢豈糜捐之可報

謝特進封荊國表

宮庭嘉享推德惠以及人田里空餐濫宸恩而累國臣中謝伏念
臣苦窳賤質卷曲散材遭值休辰登備貴器有未償之厚責无可
錄之微勞敢冀殫身尚叨徽數此蓋伏遇 皇帝陛下備成熙事
荅四表之歡心董正治官建一代之明制因令疲苶與被光榮雖
自誓於糜捐顧何醜於賁幃

謝加食邑表

王介甫

顯相郊宮固且寵獎曠居田里乃濫褒加臣中謝伏念臣尚負宿
痾久尸榮祿無可論之薄効有未報之隆恩方國明禋庶工祇載
奉璋執豆旅幣獻琛具輸奔走之勞獨抱滯留之歎豈圖踈迹亦
冒寵光此蓋伏遇 皇帝陛下荷休駿尾劬福敷錫故雖幽屏弗
以遐遺身每被於慈憐心敢勞於勤策

謝封延安郡王表代皇子

曾子固

祇膺詔板弥積頽顏蓋崇大於宗藩以盛強於席室豈伊獎渥可
假幼冲中謝伏念臣器匪夙成材無特異徒歸祇於鞠育每親炙
於高明欲善在身忘髣髴之至弱知書可學慕佔畢之相從庶由
受教於童蒙覲獲成能於壯大敢意攬攸司之密啓循歷世之章
章寵以官儀體均於丞弼殊其爵列秩右於公侯揣稱何堪踰涯
已甚知隆名之難冒迫大號之既行控避莫從震惶滋集此蓋伏
遇 皇帝陛下心潛高厚智極精微推廣愛之仁以隆於父子及
大公之義以篤於君臣故舊典之當行雖至親而莫間致茲異數
猥及謏能臣敢不仰體聖懷勤遵慈訓省躬擇術庶不蹈於匪彝
臨事知方或可收於近用

謝除觀察使嘉國公表

冠裳就列甫與於人倫綸綍疏恩驟膺於殊渥撫躬莫稱拜命知榮臣中謝伏念臣託躰天文分暉寶系生育長養慶幸席於重闈控伺顛蒙學未通於一藝粗習勝衣之拜適當可冠之年誤辱慈憐驟加褒擢廉車置使實矣茲稟之華公社分封庸壯宗藩之勢雖循舊典允謂隆私茲蓋伏遇 皇帝陛下治本親親仁先幼幼受祉而施孫子既大本根立愛而始家邦不遺支庶故茲孱陋有比超踰臣敢不祗佩訓辭益修業履有猷有守率惟規矩之循惟孝惟忠仰答乾坤之造

帥座

謝除安撫表

蘇子瞻

兵民重寄本禦侮以折衝疆場久安但坐嘯而畫諾才微祿厚恩重命輕中謝伏念臣一去闕庭三換符竹坐席未暖召節已行筋力疲於往來日月逝於道路未經周歲復典兩曹朝廷非不用臣愚忝自不安位所宜竄逐更冒寵榮此蓋伏遇 皇帝陛下離明正中乾健獨運追述東朝之遺意收此散材眷言西學之舊臣付之善地致此衰朽尚未棄捐臣敢不勤卹民勞密脩邊備苟無大過以及暮年漸還魚鳥之鄉以畢桑榆之景

謝除安撫表

宋子京

越從閑佐超摠藩垣撫綏列邦領護諸將軍符參擁使絃交華恩踰望端慙結情外中謝伏念臣命兼材薄志與年衰自忝從官久陪經幄名崇而實難副譽就而毀輒隨蓋黨士護前則見排夸人艷利則相軋奔湍薄渚堆岸獨摧彗弓睨林孤翅先墮是以禡近職者一典守麾者三心餘故憂謀失新勇方將收跡華要之路乞身棲偃之場顛業斯文力誦聖德刻金石以垂美薄天壤而無慙何圖至仁過聽亡狀謂老則閱事衆是宜守邊憂則慮事深可使從政遂付師律俾扞塞屯過闕許朝臨遣加秩伏况常國輿墜全趙舊封地饒財貴人上武力技擊躡疆者三萬浚隍峭堞者六州介在山東隱若天限竊循厚扞怯有忝俞咨此蓋伏遇 皇帝陛下

下道推曲成義不頗載善護所短其責有能內憂制錦之傷惕成
流汗之熱再念儒者之學本勞而少功數奇之人恐不得所欲且
言虎者三而成威拔揚者一乃有餘金鼎中隔則寸焰沸水丹臆
先容則枯枿蒙器伏望 陛下念臣身遠與寡察臣徇公絕私寧
無中傷必賜明辯臣亦夙夜自儆美醜必陳同士甘辛求民瘡痍
詢徵鄣之曲折繕器械於犀完粗修厥官申報而國侍前方阻叩
臆何宣

謝除安撫表

閻

卷三

河圖次對超陞六閣之先天漢上濤申任十連之寄乾坤恩大然
髮命輕臣中謝伏念臣夙以散材濫居冗從奉身以退既絕望於
明時去國而來亦濫叨於煩使遂州城外小惠巴人韓信增暑前來
施秦策雖自彊其志節終無補於功名而福過擬災且年侵嬰疾
頽愁康之多難懷七不堪念孔戣之已衰負二宜去方力祈於閑
寂乃復被於寵靈奎壁文章增重西清之首山河錦綉載臨南鄭
之區自省尋微若為報稱此蓋伏遇 皇帝陛下天臨九有子視
羣工俯矜躋履之餘無復脩門之入故尚加於明試示未底於棄
遺頤跋羊千仞之登蓋已難矣况鉏刀一割而鈍其可再乎威命
莫回危蹤知懼臣敢不益扶歸力深激懦衷竊觀方楹棲一心而
灑濯金城千里効九死以糜捐於是丐歸終期得謝

謝除安撫表

沈樞密

假守上游初無善狀陞華以對忽拜詔恩循墻弗獲於懇辭出綵
游勤於申命幸踰望表感溢情涯臣中謝切以聯六閣之嚴均為
清選列四松之遠榮綴從班載惟名數之優蓋獎勞能之異授
之不至於濫得者真以為榮臣學術迂踈性質方拙偶值休明之
運蚤蒙特達之知中外踐更莫非親擢始終全護盡出眷私昨從
祠館之投閑自分榮塗之絕望旋蒙軫記俾預使令起之田野之
中付以承宣之寄東嘉一載曾之治聲鄂渚一麾繼叨選任竭來
庀職行且及暮適承彫弊之餘幸追曠瘳之戾雲屯萬旅肅營

器以無譁慕布四民安井閭而自樂茲乃皇明之遠既遠遂令德意之具孚而臣且無避責之嫌屬在引年之日亦既露歸休之請其敢萌僥進之心何期寵靈橫逮孤遠煥清廂之新秩復榮橐之舊資豈惟朽質之增華頽蒼名城之改觀茲蓋恭遇 皇帝陛下聰明燭於萬微而降寬盡下威德加於九有而內恕及人謂老馬有辨老之能而遺簪無在原之棄有如駑鈍亦被龍光臣敢不益勵素心更堅晚節雖桑榆已逼愧補報之無聞苟溝壑未填誓糜米捐而後已

謝除安撫表

潘時

海嶠守藩寂無治狀星沙謀帥遠玷除書躡升內閣之華增賁中權之重恩深責厚感極涕零臣族系單平吏能謏薄置身冗散而無適時應用之才遭世盛明妄有趨事赴功之志誤蒙差擇浸被使令自一領於州麾因屢叨於使節頓冒平反之寄繼分屏翰之憂地大物繁疲精神於歲月年侵疾至驚駭性命於煙嵐亟籲天

方五

六

而乞於遠易地以疏寵乃眷三湘之都會賞馳六轡以咨詢課昔日之澄清已窮末技數當年之牧守莫匪名流控辭幾罄於循墻成命難回於出綍此蓋伏遇 皇帝陛下仁均覆壽明並昭臨臂指四方如在行畿之近甄陶羣吏尤嚴制閫之除知臣粗歷於險難察臣匪由於虛僞用全枯朽改昇便安臣敢不勉策衰殘仰當委任方早曠軫九重之念未遂投閑使愁嘆有一飽之歡終期得請儻苟存於朝夕尚圖報於湏臾

大尹 都督

謝除開封尹表

汪彥章

恩錫絲綸忽從中出任隆輦轂不以次遷幸萬方輻湊之區付一介顯愚之士身雖其寵力恐難勝中謝伏念臣生本寒鄉出陪多士少從師學僅知儒墨之是非長佩官箴安識求由之果藝徒以昔參於儲禁斐然美奉於牋辭緣此孤蹤簡于聖聽逮自江湖之遠來瞻日月之光裁奉燕間即蒙褒擢俾佐銓衡之任初無根抵

之容曾未逾時復叨進秩唯二輔幅員之大萃四民囊橐之姦必
發摘如神方勝銘箚之說苟拊循非術能無桴鼓之驚焉誰謂鯨生
可當器使茲蓋伏遇 皇帝陛下留精治術端本京師欲令張敞
之春秋稍施於政故試望之於馮翊非有所聞而臣自歷仕途未
更吏治一旦任劇頻之責衆人爲綿薄之憂臣敢不用恕平反以
文緣飾爲四方之極庶幾無愧於商詩從一切之宜未肯追蹤於
漢吏

謝除都督江淮軍馬表

張德遠

賜斧專征若求人望揚庭乎號誰料臣愚控避無從省循知懼中
謝伏念臣天資任已衆謂寡謀趙北燕南雖愧風聲之慷慨吳頭
楚尾粗更牧圉之周旋無憐拊髀之憂消自覓據鞍之已老壯心
徒在綿力旣愆當國家多士之時值神聖有爲之主人思奮厲臣
肯懷安所虞薦康瓠於鼎鼐之陳必有駕鳴鳩於霄漢之誚奪
乘何悔辱命爲憂自承制誥之頒未省聽聞之誤歷京師東蹇夙夜
以思食鹽飲冰進退維谷茲蓋伏遇 皇帝陛下臨朝獨斷立賢
無方謂臣結髮於邊陲粗識二軍之情僞察臣致身於公傳必同
一躰之戚休起自里居俾承人之臣敢不激昂晚景報稱殊知趙
將軍八九十而習恙情願罄老臣之肺腑漢天子十八万而建武
節會來醜虜之梯航

漕使

謝除成都轉運表

唐子西

嶺表觀風已漸治効坤維按漕復玷龍靈引組知榮撫襟增愧中
謝伏念臣單平冷系迂暗常才雖懷許國之孤忠非有過人之奇
節偶緣冗宦被遇先皇擢任監察猥承人之出分使指益愧食浮
纔自脫於殿刑蔑可書之最自認膺渙澤重忝皇華鼠能已盡於
五窮鈔刃何堪於再割鴻恩未報俄驚倦鼎之成濟哲肇興尚
念遺篋之舊遂空谷素未即弃指此蓋伏遇 皇帝陛下至健行
天大明出震開並採兼收之路隆太平極治之基致此具頌類蒙

委寄粹表未瞻於天日狂私已佩於丘山敢不續短俾長勉愓爲
正登車與嘆雖微孟博之才叱馭遂行姑勵王尊之節錙銖可効
糜粉爲期

謝除轉運副使表

耿秉

拜命起家南朝祥於東魯疏恩乘傳再日覩於長安委寄益隆報
寒難稱臣中謝伏念臣愚不適用拙無所長識至淺而惟知勿欺
學甚踈而所期不負一行作吏三十年奔走之勞屢試罔功十
二任勲庸何有方素鞞下釋之始辱皇華再遣之榮精神不逮
於七載之前蒼馬齒之加長神觀未復於踰月之後知鼠技之
易窮深慚衰朽之資曷副劇繁之任茲蓋伏遇 皇帝陛下既
文發政以堯治民萬國欲得其驩心蓋天子之孝也四海務形於
廣愛雖聖人莫加焉常思天下之澄清必重關中之根本操心慮
患爰有取於孤臣察俗觀風俾復還於舊觀臣敢不明目張膽竭
力一心舉廉刺貪不憚煩於枚數具利除害將孰復以條陳

提刑

茶馬

謝除提刑表

邵公濟

支郡分符已慙善政明時持節濫撫祥刑被寵以驚焉省躬知愧中
謝伏念臣資惟極陋數則多竒在昔先臣再被褫輪之召至於晚
進亦叨勸駕以行國史載隱逸之名鄉書上經行之選實惟一門
之盛事蓋出三朝之異恩獨不免於窮途悵虛逢於昭代欲遂挂
冠之願未酬結綬之心豈期流落之餘偶被使令之末惟西蜀忠
厚之俗有東魯絃誦之風頌此齊民之浩穰皆自累聖之涵養山
川秀麗初無犬吠之虞因固空虛不待鷄鳴之赦欲持平於邦憲
宜精擇於司存豈容下才輒膺重任茲蓋伏遇 皇帝陛下躋天
地之覆載並日月之照臨刑無用於三千囚自歸於四百欲兼容
於羣聽致誤采於虛名蓋本哀矜遠方豈獨矜憐小已推仁心以
及物尚憐轂鯨之牛將德意以遣臣敢憚虺隤之馬臣謹當佩服
溫厚之典詔奉行寬大之書聞禮傳家粗有志於他日引經漸獄

更盡力於此時

謝除提刑表

周頴

給餉重湖深負罔功之愧總刑東浙復叨非據之勞弱質奚堪隆私莫報臣中謝切以好生乃天地之大德措刑為帝王之極功得情亦尚於哀矜治獄務先於寬恕惟必有勝殘去殺之善庶能全仁民愛物之心始稱選掄不孤任使伏念臣才非可用性本至昏且質直以無文惟介僻而自守捨去泮宮之閑冷不辭蜀道之艱難萬里東歸徒抱孤忠之憤九重兼聽靡容片善之遺謨被簡知濫叨獎拔分符剖竹何補郡條煮海摘山曷裨國計嗟謬庸之無取以瘵曠而是虞豈謂遭逢亟蒙收召即省積空食之慊宰司增翫歲之羞迹微而素志迂踈身老而舊學荒落方伸更迭之請畀以轉輸之權退念五載之僥逾尚之一毫之稱塞矧惟憂頌莫重平反要當君子之盡心庶俾有司之不犯無訟詳陳於魯訓恭繫備載於周書如臣之愚豈任其責茲蓋伏遇 皇帝陛下躬元而

大

九

居正圖大而宅中發渙號以誕施擴離明而繼照開一世以自新之路涵萬物以如春之仁凡云尺寸之微盡入範圍之內察臣朴實而近厚知臣奔走之忘勞不忍弃指曲加甄錄臣敢不奉行寬大深體訓辭更囹圄皆空廣聖君欽恤之意雖衣冠不盡躋斯民仁壽之途

謝除江東提刑表

汪彥章

蠻方久次忽蒙恩詔之頒使節內遷仍獲鄉邦之便蓋始望未嘗及此雖自謀何以過之人知從欲以為榮臣獨感恩而至泣中謝伏念臣早緣孤直叨備使令雖才踈屢至於顛隳然事白即蒙於超擢頃駕一輶之傳深行五嶺之區眷言風土之異具常恐庭闈之動念既云盡瘁敢復圖安嘗中被於穢陞亦浸忘於留滯豈期私計之上達不待終更而北還千里綉衣初入中原之郡縣覆親白髮重瞻故國之江山遂令忠孝之兩全何止平反之一笑仰視必恭之梓旁連聽訟之棠茲蓋伏遇 皇帝陛下衆建人材恢張

治具薄海內外而並照其智如神因時輕重而制宜以刑為躬欲
廣哀矜之意必求忠信之人謂臣素習於民情知臣粗安於名節
特指茲寵俾効厥官臣敢不奔走十城奉行三尺勤於夙夜盡人
臣欲報之忠同我州閭樂陛下好生之德

謝提刑落發遣字表

晁之道

遭時陳力未書可紀之勞積日計資更冒論功之寵載恩逾厚撫
己增慙中謝伏念臣涉道未深受才甚下固未識聖賢之所學亦
粗知忠義之可為府幕郎曹被泰陵之知將大卿聯使寄比陛下之
選除勉自激昂乃期奮起雖慙驚寒迄無實試之能但閱歲時弥
有空食之懼豈圖恩渥均逮頑冥此蓋伏遇 皇帝陛下政本禹
勤道秘堯哲衡聽以熙庶事器使而効眾材致此羈孤存叨秩叙
布宣德意益殫犬馬之勞趣赴事功少答乾坤之造

提舉

謝除提舉表代

汪彥章

龜勉郡丞方虞官謗阜通邦貨忽領使華蒙眷將及過優撫危躬
而若厲中謝伏念臣受材庸淺遭世盛明由詩書誤綴於未科行
州縣浸成於華髮分投閑冗無復激昂孰云蒐擇之辰亦在鞭駟
之數惟山海懋遷之利實朝廷開闔之權吏或不虔法因以廢故
比下丁寧之詔至重分刺舉之官宜得時髦執此如金石之固坐
令國用沛然若丘山之多大懼孤蹤莫勝煩使此蓋伏遇 皇帝
陛下恢張治具駕馭人羣察萬化之低昂為之調度因百官之能
否責以事功謂臣從事之有年疑臣理財之知要特假道塗之便
使趨期會之嚴臣敢不上躰綸言肅驅輶傳偏行所部並大江千
里之餘庶得其贏佐少府萬分之一

謝除江東提舉表

謝深甫

推行荒政繇祗奉於詔條寵被優恩遽濫陞於官簿微勞莫効大
懼弗勝臣中謝切以將命九重備使一道惟先疾苦之問以廣德
意之孚矧專欽散而是司宜視凶穰而唯謹當大飢發大熟之蓄

職思其憂無小言望小利之酬賞過於僭諒茲疏寵借以勸功伏
念臣奮自寒生久安下仕頃叨賜對誤蒙宸展之知旋沐褒遷猥
廁廷紳之末僅再更於歲序凡三冒於親除俾以乘軺驟玷皇華
之遣及於弛檐偶罹雲漢之裁歲既不登人方告病受牛羊而與
牧其責誰歸集鴻鴈之于飛雖勞敢憚振倉廩之貸予徧原隰以
馳駘冀上寬焦勞之憂期下無轉徙之患幸時還定故民咸安其
居賴國威靈在臣何力之有茲蓋伏遇 皇帝陛下德恢天覆澤
沛海涵發政施仁每必先於四者薄征散利尤用聚於萬民凋瘵
既蘇豐登已兆尚念布宣之無壅曲示褒獎之有加臣敢不深省
僥踰勉圖稱塞取有餘而補不足廣堯湯備具之儲務實惠去虛
名助文景安養之政

謝除湖南學事表

胡文定

誤拜綸恩復將使指按臨舊部祇奉新書中謝命鄉里而賓賢能
是謂成周之法謹庠序而申孝悌嘗聞孟子之言流風既遠而莫

方五

十一

傳陳論益卑而無取聖繇天縱道與世升州增訓秩之官路遺光
華之使藻芹可采金玉其相適慮冗負肆頒中旨恐郡縣困文移
之末暫廢司存念校學真平治之原亟仍舊貫再出惟行之令兼
收已試之才有若庸虛居然忝冒此蓋伏遇 皇帝陛下憲章古
昔紹述熙豐永惟繼志之遠猷莫急化民之先務人歸善養能以
道觀遂令踈逖之蹤同預策磨之列臣敢不致虛觀復克己為仁
處心弗間於顯微奉法務張於廉恥諸儒駕說必明忠孝之大端
青佩嗣音無習文章之小技

謝除茶馬表

楊輔

仰稽命召大懼深何俯拜俞音冒將隆指增重司存之寄躡升寵
秩之名恩踰丘山感鏤肌骨臣中謝伏念臣頃充負於館職首待
罪於宮庠時瞻清光退切荼馮旋叨郡箠即去闈庭將輸未浹於
戍期因任洊承於聞寄閱楚祠之雷蠶再聞已周想禁籞之雲深
孤蹤何有肆 壽皇之收召逮 陛下之纂承在於葵藿之誠敢

徇衡茅之志然臣數竒難偶意外多虞迫危厲之薰心控忱忱而
瀝懇攀鱗望遠空懷門角之思前席登殘甘滯周南之迹雖駭覆
舟之變實千俟駕之誅豈謂洪私尚怜舊物矜其涼薄借以寵光
俾司蜀漢之權征兼揔羌戎之互市恩加進職遣視乘軺碩孱微
既懼於靡任而僥倖則踰於始望茲蓋伏遇 皇帝陛下仁天初
覆聖澤旁流簡搜首逮於薦紳收拾不遺於墜履復謂屬離明之繼
照孰不傾心察其坎險之在前義容知止姑從煩使庸示曲全若
其所領之官頗謂難勝之任將釐積弊宜得通才使之冒處於
難恐必上辜於器使飲水祇命毀瓦勲功臣敢不夙夜以思馳駢
惟力政爾敗官而獲譴固分所甘如其枉道以求全蓋知所擇

